

POKRENI SVOJ ICT ILI KREATIVNI BIZNIS!

Profesionalac ste iz oblasti dizajna, razvoja softvera, upravljanja mrežama ili operativnim sistemima?

Razmišljate o razvoju IoT, VR, AR, AI ... rješenja?

Željeli biste svoje vještine i iskustvo iz oblasti grafičkog dizajna, multimedije, razvoja softvera ili hardvera primijeniti na rješenja u različitim industrijama: od poljoprivrede, turizma, metalne, drvene tekstilne industrije do pametnih gradova?

Nudimo vam podršku u pretvaranju vaše inovacije, proizvoda, usluge ili koncepta u održiv biznis!

Lokalno partnerstvo za razvoj poduzetništva Centar Sarajevo poziva sve zainteresovane mlade osobe od **18 do 35** godina da se prijave za učešće u **Programu podrške pokretanju poduzetničkih ideja u oblastima ICT i kreativnih industrija**. Učesnici će kroz ovaj program dobiti stručnu podršku u jačanju svojih vještina u poduzetništvu i poslovnom planiranju – odnosno, izradi biznis plana. Pokretanje poduzetničkih poduhvata koji budu ocijenjeni kao najbolji će se finansijski podržati bespovratnim sredstvima i mentorskim programom u prvoj godini poslovanja. Prijave je moguće predati putem online obrasca do 07.08.2020. Javni poziv se objavljuje u okviru projekta EU4Business kojeg finansira Evropska unija u vrijednosti 15 miliona eura, a realizuju ga GIZ, UNDP i ILO.

Lokalno partnerstvo Centar sačinjavaju Općina Centar, Služba za zapošljavanje Kantona Sarajevo, CEFE BiH, Internacionalni Burch univerzitet, Bit Alijansa i DVC Solutions.

Cilj projekta

Lokalno partnerstvo za razvoj poduzetništva Centar Sarajevo ovim projektom nastoji promovirati općinu Centar kao lidera u oblasti poduzetništva koji poticajnim poduzetničkim okruženjem, inkluzivnošću i dostupnošću naprednih programa podrške, privlači i podržava inovativne poduzetnike iz čitave Bosne i Hercegovine i povezuje ih s međunarodnim tržištem.

Putem novootvorenog Centra za izvrsnost u poduzetništvu (CIP) Partnerstvo polaznicima nudi fleksibilan mehanizam podrške s fokusom na biznise visokog potencijala, **primarno u oblasti ICT i kreativnih industrija**. Ovaj javni poziv predstavlja **drugi** od 5 poziva koji će se objaviti u narednih 12 mjeseci. U ukupni program obuke biće uključeno najmanje 125 polaznika, dok će 25 najbolje ocijenjenih dobiti finansijsku podršku za pokretanje biznisa.

Ocjenjivanje će se vršiti na osnovu transparentnih kriterija, a koji su, u formi aneksa ovom pozivu, dostupni svim polaznicima na ovom [linku](#). Od posebne važnosti za uspješnost projekta je identifikacija i podrška poduzetničkim poduhvatima koji doprinose prevazilaženju ekonomskih i drugih posljedica krize uzrokovane pandemijom COVID-19 virusa.

Ciljna grupa

Ciljna grupa ovog poziva su mladi (do 35 godina starosti) s područja Kantona Sarajevo, s naglaskom na visokoobrazovane iz oblasti prirodnih ili tehničkih nauka i umjetničkih akademija (dizajn i multimedija). Naročito ohrabrujemo studente završnih godina dodiplomskog i postdiplomskog studija, osobe koje su studij završile u prethodnih 3-5 godina te sve druge osobe koje smatraju da su u stanju uspješno pokrenuti biznis u oblastima ICT i kreativnih industrija te učestvovati sa vlastitim sredstvima do 50% od iznosa koji bude tražen od projekta u formi bespovratne finansijske podrške.

Sadržaj programa podrške

Program podrške će učesnicima staviti na raspolaganje:

- Obuku u razvoju poslovnog modela prema SIYB metodologiji (Pokreni i unaprijedi svoj biznis) *Međunarodne organizacije rada (ILO)*,
- Podršku/consulting u oblasti poslovnog planiranja,
- Mentorstvo iz ICT oblasti relevantnih za konkretni poduzetnički poduhvat,
- Mentorstvo iz oblasti kreativnih industrija relevantnih za konkretni poduzetnički poduhvat,
- Bespovratna finansijska sredstva u iznosu do 10.000 KM po biznisu (za pozitivno ocijenjene biznis planove),
- Poslovno mentorstvo u prvoj godini poslovanja,
- Umrežavanje s drugim srodnim poduzetnicima u smislu zajedničkog izlaska na tržište, komunikacije prema dobavljačima, radnoj snazi, itd.

Za vrijeme trajanja pandemije COVID-19 virusa, podrška će se pružati putem online platformi. Po okončanju pandemije podrška će se pružati konvencionalnim (direktnim) metodama.

Način prijave

- Prijave se mogu podnijeti u periodu **08.07.2020 – 07.08.2020. godine**, popunjavanjem online formulara koji je dostupan na ovom [linku](#). Link na formular će biti dostupan na sajtovima svih članica Lokalnog partnerstva Centar Sarajevo.
- Nepotpune i neblagovremeno podnesene prijave neće se uzeti u razmatranje

Dodatne informacije o programu

Dodatne informacije o programu se mogu dobiti:

- Upitom: prijave@cefebih.org.
- Prisustvom na info-događajima (prezentacijama) koje će biti organizovane online (putem ZOOM platforme) u sljedećim terminima:
 - 29.7.2020, 13.00 sati ([link](#)), i
 - 04.08.2020, 17.30 sati ([link](#)) ZOOM platforma

U svjetlu pandemije COVID-19 virusa, **Lokalno partnerstvo za razvoj poduzetništva Centar Sarajevo** i njegove članice vas pozivaju da, bez izuzetka, poštujete mjere propisane od strane civilne zaštite i zdravstvenih autoriteta koje se odnose na socijalno distanciranje i korištenje zaštitnih sredstava. Partnerstvo Centar vas također poziva da za to vrijeme, ne kršeći zdravstvene propise, razvojem vlastitih poslovnih poduhvata doprinesete ekonomskom oporavku i otvaranju novih radnih mjesta. Za očekivati je da će ekonomske posljedice pandemije biti znatne. Pozivamo vas da sada, u samoizolaciji, promislite o mogućnostima za vaš poduzetnički angažman i buduću uspješnu karijeru. Partnerstvo Centar Sarajevo stoji na raspolaganju da vam u tome pomogne.

O s t a n i n a 1 2 7 . 0 . 0 . 1